



竹齋詩集序

予在杭時聞會稽王元章善為詩士大夫之

工詩者

多稱道之恨不能識也至正甲午盜起甌括間予避

地之會稽始得盡觀元章所為詩蓋直而不絞質而

不俚豪而不誕奇而不恠博而不濫有忠君愛民之

情去惡拔邪之志懇懇惻惻見於詞意之表非徒作

也曰大敬焉或語予曰詩貴自適而好為論刺無乃

不可乎予應之曰詩何為而作邪虞書曰詩言志卜

子夏曰詩者志之所之也上以風化下下以風刺上

主文而譎諫言之者無罪聞之者足以戒詩果何為

而作邪周天子五年一巡狩命太師陳詩以觀國風使為詩者俱為清虛浮靡以吟鶯花詠月露而無關於世事王者當何所取以觀之哉詩三百篇惟頌為宗廟樂章故有美而無刺二雅為公卿大夫之言而國風多出於藁茅閭巷賤夫怨女之口咸采錄而不遺也變風變雅大抵多於論刺至有直指其事斥其人而明言之者鄴南山十月之交之類是也使其有訕上之嫌仲尼不當存之以為訓後世之論去取乃不以聖人為軌範而自私以為好惡難可與言詩矣已書曰惟口起羞昔蘇公以謗詩逮獄播斥海外不可以不戒也曰孔子曰邦有道危言危行邦無道危行言孫故堯有誹謗之木而秦有偶語之戮亂世之所與也得言而不言是土瓦木石之徒也王子生聖明之時而敢違孔子之訓而自比於土瓦木石也耶括蒼劉基伯溫序

竹齋詩集目錄上

金陵懷古

建康層樓

別金陵

過昭瑞宮 二首

悼達燕善平章

寄天台丁仲容

發古塘

徐竹隱

聽秋軒

送邊伯京之閩

謾興

寄東隣唐彥常

謾興 三首

悼止齋王先生

即事

紀夢

會友

過漁浦

即景

送宇文子貞 二首

雨中遣興

雪後

滿目青山軒 二首

竹西軒

江月樓

林壑亭

送僧歸閩

秋晚即事

有懷

客興

懷古

下直沽

登竺峯

過武唐

懷古

雲門山圖

寄吳道子

看山

異鄉

寄恆長老

雨中

送噩長老

庚辰元旦

立春日

九日書懷

秋興

水竹居

送本中上人

太平興國寺鎖翠軒

答客問

過殯陵

次答王敬助

聽雪軒

次韻全忠齋

偶成

湖上書所見

送願上人歸日本

送欽上人

答費太初

送僧歸中竺

過京口

次王元之武平寺詩

玄真觀

過滄江

與王德強

松風閣次韻

過徐州洪至豐沛作

新店道中

楚漢兩城 二首

寄張貞居

曲江春望圖

謝林彥廣惠酒

濟州阻雪九月廿七日客况

季扎墓

臨清阻雪

次韻答崔元初

閑題

題趙松雪閑北小景圖

都城暮春

送僧游五臺

莫處士悼詩

送王克敏之安豐錄事

揚州成元章居竹軒

山水圖

水竹亭

重午次韻敬常葉公時在燕山

危太樸使求史館遺書於河南江南歷四  
明會葉君敬常借船過東湖訪古跡其樂好  
事者畫之太樸命之曰借船圖復自叙以記



之業君敬常作詩太樸和今勒諸石時賢從  
而題之余亦為之贊

金水河春興

劉商觀奕圖石刻本

金水河

南城懷古

讀史

題王有恒山房

送日侍者游兩府兼東丁仲容先生

隱居偶成

次申屠子迪韻

即事

有感

偶成七首

送五臺長老

寄題梅

寄陸高士

清明後日

三茅觀

悼白雲

送人北上

湖上閑步

喜白髮

秋夜偶成

九里山中

山水圖

感懷

寄玉秋泉

題米元暉畫

水山圖

過揚州

送薛府判之廣東

悼王濟川處士

秋夜燕山旅舍偶成寄林致和

寄友

偶成

己丑二月三日大風雨雪

三月廿九日夜歐陽省郎迺至佳章觀之技

癢燈下即和但無童子急走送耳

四月十二日書懷

春日即事

別濟大川

感懷

招隱卷

寄李子粲

有題

送圭玉岡

送楊義甫訪雲林子

醉賢圖

送僧歸錢塘

梅竹軒為楊君道賦

舜江樓

曲江春望圖

申屠子迪游蘭亭次韻答之

送沙學正歸松江

偶書

雜興

送汪椽史

挽吳孟思

竹齋詩集目錄中

次申屠子迪韻

答王聘君

次韻答樊山

次韻答王敬助

憶王子正

有感

中秋次韻答恢太虛

九日有懷

吉祥州

解悶四首

歸來

送雲屋僧

村居四首

八盤嶺

村居

宋郊臺

感慨

黃牛山

福勝山房

次古詩韻五首

重過戴氏居

雨後

槿花

客邊

次韵答申屠子迪府推

十二月三日對月

見雪

客况

對酒

送客

寄友

夜坐

會友

送大機上白雲

掩關

寄存道崔隱君

旅次

對景

漫興

過水南

春晚客懷

世情

竹冠

客情

歸家

示師文

執爨

獨宿

種茹

訪舊遊

偶書

獨坐

歸來

石湖寺

泊瓜洲

泗上

沽亭道中

南陽閘下

師家庄瞻繹亭正對繹山魯地諸峯皆見閘

水正合洙泗汶

閘上

守閘

汶上舟行

新店道上

不飲

船上

汶上

瞑色

客思

齷齪

瀟洒

次致和韻

日晚

慶壽寺

渭河道中四首

泊聊城

南歸

庚寅春二月三日甲子大雪雨

有感二首

雨過

閏七月廿三夜記夢二詩

舟中雜紀

元日示師文

遣興

水竹

屋隅櫻桃伐去老幹而生新技能實可愛

山藥

謾興

懷鄉



即事

晚眺

秋吟

幽居次韻

甲午年正月初四日得春

春寒

山陰水村

雪晴

紙衾

丙申元旦守母制因感而作

寄申屠僉事

山中禱興

玉笥山南入深鵑人跡罕至真隱地也作詩

紀之

玉笥山麓有土阜高丈餘登眺可盡湖山之

勝友人好事許作亭于上余意其有成先闢

址以俟作詩紀之

示師文

寫懷

安分

題青田山房

丁酉歲元日九里山中

立春

自詠

丁酉歲九月九日在慈溪是日小雨杜堯臣

知事携酒過寓所

有感

憶張彥威御史

送大上人之四明

對雨

竹圖

懷人

愁重

有感

感懷 五言古體

四月廿五日堂前萱花試開時老母康健曰

喜之

偶書

梅花易洞為胡伏臣賦

蠶作繭

竹梅幽禽

留題悠然閣

山中

南風熱

遣興

感懷 十首

秋懷 十首

寓意十首次敬助韻

孤梅詠

琴鶴二詩送賈治安同知

初夏閒興

墨萱圖

離別吟

讀五柳先生傳

李侯事實諸儒先生序文詳矣然光明之孝  
行吾黨又可知者因作詩二章其一悼李侯  
之未歸藏其閔光仁之行也

鸚鵡謠

江南人教獼猴舞齊郎街市小兒紛紛馳逐  
故作詩戲之

傷亭戶

有感

懷友

自感

送李德仁歸濟南鄉試

昼猫圖

穎語次楊廉夫進士古聲韻

申屠子迪試吏為山南江北道憲司掌書巡

按夷陵缺文廟有曹操祠子迪毀之更立學

宮諸士夫作詩文頌美之僕居草澤中獲觀

其卷曰贅之

鳳凰臺

對菊

題凝雪水仙圖

襟詠

心遠軒

畊讀軒

真州道中

應棗強縣

山中作寄城中諸友

自崔鎮至濟州人情風俗可歎三十韻

竹齋詩集目錄下

葛僊翁移家圖

七言長句

孫元實春遊圖

四牧圖戴嵩畫

夏節士方

送沙德潤鄆城長

曹雲西畫山水圖

贈馮照陳肖堂

水僊圖

棠梨白練圖

蘆華道人換被圖

秋山圖

送無咎遊金陵兼東丁仲容隱君

松雪畫馬圖

江山漁隱圖

送暨陽同知

錢塘紀行

漆樹行

癸巳春二月下澣客有過余草堂出示李太守之詩余奉而誦之已而問曰太守何如也

客曰太守公平正大和易近民而民歸之泣  
政未暮月上官委守城郡帥吾民從之民之  
從有如子之趨父事也迨今歷三時犯霜露  
與民同勞苦城將完上官禮之鄉民德之歌  
頌之聲不絕矧有古賢人之心誠吾民之父  
母也余聞客言喜而歎曰何斯世而有斯人  
也耶且今之輔世長民行古之道者鮮矣以  
古之道化今之人者為尤鮮吾太守有古人  
之心行古之道能化今之人真可謂不世出  
之才矣余鄉民也聞太守之風起敬起慕遂

寫梅作歌以上雖不能紀功德之萬一亦可  
以述鄉民頌公之政云耳歌曰

題申屠子迪篆刻卷

雪中次韻答劉提舉

江南婦

送人上燕

陌上桑

大醉歌

江南民

花驢兒

過山家

宣和殿畫水仙鵝圖

喜雨歌為宋太守賦

送林君大架閣上京

題墨梅送宋太守之山東運使

有感

題陳象賢竹素園

寄太素高士

寄呈東明

悲苦行

猛虎行

勁草行

贈蔣清隱

送玄本中北上

有感

蝦蟆山

金陵行送余局官

天台行

索筓長句寄傅隱君

望雨

感竹吟

結交行送武之文

謝友惠溫生筆

謝曹隱君惠扇歌

贈楊仲開畫圖引

賈浪仙騎驢圖

柯博士畫竹

秋夜雨

送章德遠校官自湘湖歸慈湖

送歐陽彥珍歸杭



趙千里夜潮圖

明上人畫蘭圖

古時歎

送汪用衡北上

老栢圖為張心田賦

雪麓漁舟圖

對月

芙蓉山雉圖

題溫日觀蒲萄

息齋雙竹圖

題金禹瑞畫松圖

張御史西山雪堂

司馬氏藏唐子華山水扇畫

題夏迪雙松圖

題魏仲遠筠深軒

對景吟

衛生畫山水

五馬圖

吹簫出峽圖

開河雪霽圖為金陵王与道題

樊籠雀

廬山行送行

孤松歎

痛哭行

苦寒作

送吳瑞鄉歸武昌

送黃叔源之安肅州尹

柯博士竹圖

題畫蘭卷兼梅花

喜雨歌贈姚鍊師

白雲歌為李紫簣賦

劍歌行次韻

船上歌

吳姬曲六首

村田樂祭社圖

紅梅翠竹山雉圖

飯牛圖

盤車圖

壽張堂河東張仲舉作記

徙馬歎

盆中樹

幽蘭咏

宣和殿畫驢圖

過蘭亭有感

有感吟

附

七言絕句

素梅 五十八首

墨梅 四首

紅梅 十九首

梅花 五言絕句

梅花 六言四句 三首

梅花 七言長句 三

梅先生傳

送僧住院

卸澤步渡船疏

故山樵王先生行狀

竹齋詩集卷之上

七言律詩

金陵懷古

壞墻幽迳草青青何處園林是舊京  
海氣或生山背雨江潮不到石頭城  
英雄消歇無人語形勢周遭夕  
照明回首長干思無限水風楊柳作秋聲

建康層樓

層樓危構出層霄把酒登臨客恨饒  
草色不羞吳地短鴈聲空落楚天遙  
江山如畫知豪傑風月無私慰  
寂寥六代繁華在何處敗紅殘綠野蕭蕭

別金陵

六朝舊迹俱尋遍千古英雄一咲休黃葉亂隨秋雨  
落長江空帶楚天流樽前有客翻新調白下無人說  
故侯明日西風天色好吹簫騎鶴上揚州

過昭瑞宮次韻

紅華翠竹滿江臯依約仙山駕巨鰲月下每聽來鶴  
佩雲中時復見龍袍西江日薄潮聲小北極天開王  
氣高咫尺山河移板籍書生徒爾說英豪

金屋無人玉殿開青蒲埋沒遍莓苔舊愁隱隱隨  
烟浪新恨綿綿入草萊紅葉已隨流水去黃門空隱  
看華來東南富貴消磨盡留得荒村古將臺

悼達蕪善平章

出師未捷身先死忠義如公更不多豈直文章驚宇  
宙尚餘威武振山河中原正想劉安世南海空思馬  
伏波老我未能操史筆懷思時復動哀歌

寄天台丁仲容

去年脚底生蠱痛今年巾中華髮稠讀書不敢畧字  
過得酒豈徒成醉休闕山杳杳絕飛鳥江海淒淒無  
釣舟好風良夜那可已思君時復一登樓

發古塘

秋風籬落菊花黃滿眼江山似故鄉投老無家真可  
笑長年為客尚能狂青苔蝕盡床頭劍白日消磨鏡  
裏霜聞道中州凋弊甚忘機不解說淒涼

徐竹隱

連江脩竹靜郊居門外陰陰千畝餘直節不移高士  
操息交那與俗人書卧聽翠雨飛甍甍笑挹清風過  
綺䟽却掃紅塵喧竟窅歲寒分席待樵漁

聽秋軒

人世紅塵高沒馬老禪方丈足清幽入門便覺氣候  
別歷耳似知天地秋不羨書生能作賦却憐游子太  
多愁夜深樹影飄零盡明月無端生屋頭

送邊伯京之閩

邊郎辟掾南閩去馬首春光正十分路夾海棠行錦  
障江涵山翠擁羅文簡書可董風雲會韜畧能夷席  
豹群若向武夷山下過為余傳語杜徵君

謾興

隱几看山與世違當門種竹亦無機五更驟雨隨風  
過滿眼落花如雪飛每為註書消夜燭亦常沽酒典  
春衣今朝急報任公子昨日蒼苔滿釣磯  
中天積翠鬱層陰雪瀑飛落遠岑白月夜分霞鶴

舞清風時聽萬松吟放懷儘可從詩酒行樂何須論  
古今我欲與君飛雨鬪題詩刻竹滿山林  
風花片片落瑤臺江北江南春未回老子胸中自瀟  
洒故鄉何處却徘徊海雲挾雨連天黑江鶴如人近  
屋來景物相看只如此沽盃且放好懷開

寄東憐唐彥常

桐木散陰隣屋壁子居巷東吾巷西繡衣耀日輕拂  
袂白馬躡雲鑿蹄湖上咲歌多載酒夜來歸去醉如  
泥春風又別四十日安得看山同杖藜

謾興三首

白霧黃煙慘百蠻長年不見鶴書還江河萬里歸滄  
海山嶺千重走劍關白首詞臣空隨淚青春才子強  
回顏舊愁新恨知多少都在閑花野草間

關中險固馮三輔隴右勾連接四川簇簇樓臺懸日  
月盈盈花草爛雲煙颺回海上沙飛雪雨足江南水  
拍天可咲華山陳處士風流文彩却貪眠  
青山隱隱帶溧河金碧光中望駸安五穀不生羊馬  
盛二儀殊候雪霜多打圍陣合穹廬轉警蹕聲傳  
御駕過漠漠黃沙天萬里壯心未解說風波

悼止齋王先生

休致歸來與世違平生所有未全施  
胸中經緯天人識舌底風雷宰相知  
論道端然見周召得時元不下  
臯夔南金東箭誰誰擬綠水青山故故違  
文彩風流今已矣夫何能見紫芝眉中天  
氣黯星河慘南國春寒草木悲  
正事堂堂傳兩省論談疊疊懾  
諸夷老成如此多關係青瑣諸公淚亦垂  
三月燕山聽子規追思令我淚垂垂  
雖然事業能經世可惜衣冠在此時  
霜慘晴牕琴獨冷月明秋水劍  
隻悲山河萬里人情別回首春風說向誰

即事

灤水城頭六月霜東華門外草皆黃  
旌旂影動千官慘斧鉞光沉萬馬忙  
青象不將傳國璽紫駝只引舊  
羶房諸郎不解風塵惡爭指紅門入建章  
白草黃沙野色分古今愁恨滿乾坤  
飛鴻點點來邊塞寒雪紛紛落薊門  
風景淒涼只如女人情囂薄復  
何論知機可有素乾水未入滄溟早自渾

紀夢

十有一月三十夜清夢忽然歸到家  
對母徐徐言世事呼兒故故問生涯  
庭前脩竹不改色溪上老將都  
是花起坐山牕聽茶鼎又思風雨客三巴



會友

昨夜朔風吹地動起看長劍雪花明讀書空墮英  
雄淚得酒時澆磊砢情相見抵須言客况論交殊不  
愧前盟漢家四海承平久何必區區論賈生

過漁浦

十八里河船不行江頭日日問潮生未同待詔于金  
馬却異看花在錦城萬里春風歸思好四更寒雨一  
燈明故人湖海襟懷古能話舊時鷗鷺盟

即景

江北春深野草芳江南春淺柳枝黃鳧鷺得水競出  
沒燕雀受風相頡頏適意謾提如意舞醒時不異醉  
時狂昨朝孺子攔街咲咲殺人間馬子長

送宇文子貞

郊居暫輒簿書勞尚植忠良翊

聖朝風月一壇光灑灑天人三策錦飄飄清聲足重  
江湖望直筆寧辭館閣招洛下諸郎競才進豈能垂  
意說漁樵

次韻

老吾濩落忘機久江湖鷗鷺鳥弗猜疑黃花園宅如元  
亮白雪滿床無子期身後虛名定何益世間多事不

須知故人有約來招隱莫待秋風老桂枝  
野人任處無車馬門外蓬蒿抵樹高石脚雲生三伏  
雨屋頭松撼五更濤田園入畫真堪咲薪水供厨祇  
自勞匣底豪曹苔欲滿夜來忽作老龍號

雨中遣興

黯氣陰陰沒大荒鬪髀無語劍生銛青山有夢客千  
里明月故人天一方鹿走平原莎莽莽龍飛滄海雨  
浪浪相望多少相思意倚徧危樓重慨慷  
故人何日是歸年又聽剛風洗瘴瘴驕馬北馳沙似  
雪冥鴻南去水如天莫愁絃絕蒲萄館且喜歌生罷

亞田好在岳陽樓上望洞庭明月正婵娟

雪後

今日登高不見山乾坤混混太清寒舊時月色無  
人識新歲梅花正好看多苦將軍居塞北更憐羈客  
在長安老夫欲語不忍語倚徧危樓十二闌

滿目青山軒

滿目青山似畫圖道人於此即安居不知世上功名  
好但覺門前車馬踈風月四時同咲傲乾坤千古一  
邊蘆我生亦有林泉癖欲老衡茅愧不如

次韻

生民日日嘆零丁  
惟聽中朝說太平  
萬里江山雲茫茫  
蕩五更風雨劍悲鳴  
桓溫豈解知王猛  
徐庶從來識孔明  
簫管莫吹關塞曲  
野花閑草不勝情

竹西軒

青山隱隱帶江流  
江上軒窗面面幽  
來客不辭三徑雨  
乘涼索得四時秋  
青天影動朝陽鳳  
落月光移隔水樓  
夜半夢回環珮響  
却疑歌吹在揚州

江月樓

永嘉城郭如斗樣  
魁峯蘭若倚青霄  
江空月色上樓白  
風挾海聲連地搖  
高僧居此興不淺  
閑客登

臨思亦饒我欲與君飛舞去  
更呼仙子共吹簫

林壑亭

會稽林壑東南勝  
結構新亭亦壯哉  
樹密不知雲出沒  
山深常聽水喧豗  
清幽可許漁樵隱  
游賞豈無王謝來  
我欲題詩追李杜  
風流不是出羣才

送僧歸閩

九月三吳樹葉紅  
閩中渾未覺秋風  
上人忽動鄉關念  
對客莫辭途路窮  
白髮豈無諸老在  
青山還與舊時同  
回到家點檢經行處  
應喜庭松雨露濃

秋晚即事

十年湖海挾飛仙今日馮高思  
窅然閔北又添三尺雪  
江南別是一般天  
紫髯老將懸清夢  
白面兒郎  
減少年說與南陽諸葛道  
草廬雖好莫貪眠  
有懷

故人零落各山河  
觸景其如感慨何  
劍槊風生秋氣重  
琴床月墮夜涼多  
傾杯且得孤懷壯  
覽鏡那愁兩鬢皤  
擾擾黃塵車馬客  
不知留意在南柯

客興

鶴鳴猿嘯興如何  
客裏枯衣結薜蘿  
峽石卧雲山氣重  
江風翻雨樹聲多  
狂夫對酒評秦法  
野老敲檀

和楚歌誰似酸齋弄  
竒屈好詩和夢寫漁蓑

懷古

浮雲漠漠水搖天  
乳燕翻飛落野田  
軒冕盡知為上客  
衣冠誰解說前賢  
閉門種菜殊無策  
坐石看松不記年  
世事東風吹馬耳  
錦帆金谷已茫然

下直沽

拍河健櫓比長驅  
百尺飛帆下直沽  
浩浩碧天秋氣肅  
堂堂明月夜胸虛  
旌旂兩岸蘆花影  
鞞鼓三更海浪趨  
轉首狂歌望西北  
淡煙荒草是幽都

登笠峯

健步攀緣上竺峯方知絕頂路岐通一身如在九霄  
上萬景都歸兩目中老鶴踏翻芝草露孤猿嘯落桂  
花風青箱家世君休問江左于今事不同

過武唐

衫青閘轉雲間路河水分流過武唐客路慣禁風雨  
惡詩情不減少年狂魚鹽市井三吳俗番島舟航十  
丈檣楊柳連堤鵝鴨聚家家茅屋似淮鄉

懷古

會稽岩壑今猶古王謝經行何所之感慨令人有餘  
思風流異代不同時春來野水生蒲柳雨過空山長

蒺藜異代無人知禹穴游人來往到今疑

雲門山圖

十年不到雲門寺忽見若耶溪上山落葉不隨流水  
去長松只在白雲間當年王謝已寂寞終古林泉足  
往還所喜二靈多道氣扶藜時復叩柴關

寄吳道子

三月不見吳道子十日兩渡錢塘江詩書壓架自足  
樂風月滿壇誰敢降菖蒲青青繞石壁薜荔密密  
緣山胸歸來不道簿書急謾對阿戎言老龐

看山

昨朝問竹城西去今日看山湖上來濁醪數斗且盡  
醉好景百年能幾回野草散光搖翠浪風花移色閃  
蒼苔飛流最是東南乘興毋辭杖屨陪

異鄉

東山西山生白雲異鄉那忍見殘春野蒿得雨長過  
樹海燕隔花輕咲人每是閉門踈世事何曾借酒惱  
比隣過從時有相嗔怪不解潛夫意思真

寄恆長老

眼底紛紛涸轍魚道人偶地即安居瓦盂香軟雕胡  
飯松几晴翻具菜書具菜老到世情渾脫畧年來生計

亦蕭疎相逢休論當時事我亦西郊結草廬

雨中

江南江北水滔天羈客相逢亦可憐坐覺青山沉席  
底行驚白浪上胸前鷓鴣啣草栖危塔鷓鴣飛浴敗  
船轉首百蠻寥落甚絕無茅屋起炊煙

送噩長老

張公洞口雲翻海揚子江頭雪打毬君去興懷殊不  
惡我行風雨奈何愁踈狂久負劉伶榼飄薄空餘季  
子裘直待明年二三月看花騎馬過中州

庚辰元旦

試題春帖紀新年靄靄青雲起  
硯田展卷不知山是  
畫舉頭恰喜屋如船  
梅花雪後開無數  
楊柳風前困  
欲眠悵望關河無限恨  
呼兒沽酒且陶然

立春日

葭吹六管動飛灰  
便覺春從地底回  
草木一時生意  
連關河萬里凍雲開  
寧須生菜傳纖手  
且引春風入  
瓦盃  
天北天南問音信  
故人何處寄寒梅

九日書懷

玉露霏涼木漸醅  
每逢佳節惜年華  
青山疊疊多  
歸夢白髮蕭蕭不在家  
觸景謾思千古事  
無錢對

一籬花相知相見情何已  
石鼎山泉且煮茶

秋興

萬里山河一局棋  
曠懷真感獨傷悲  
石麟夜雨生  
新恨銅雀春風屬  
舊時雪捲流沙馱  
信遠天沉遼海  
鶴書遲  
五陵年少俱零落  
回首故園空  
夢思  
鼙鼓嘈嘈夜撼山  
霓裳歌舞出人間  
雲圍環珮沉斜  
谷風斂旌旗  
入劍關  
躩鑠野翁掀雉尾  
跳踯山鬼覲  
龍顏書生豪放成  
何事徒步歸來供奉班

水竹居

小橋流水路縈紆  
竹裏茆茨是隱居  
慷慨不同時

俗輩清高多讀古人書好山入屋情無限明月穿簾  
興有餘我亦山陰舊溪曲一庭瀟洒正相如

送本中上人

上人飛錫何方去咲指東南咫尺間黃葉落時行細  
路白雲生處看青山欲求古道殊難得悵望高風或  
可攀朋舊相逢還道我梅花清苦鬢斑斑

太平興國寺鎖翠軒

當軒種竹一萬箇清陰滿林生綠苔六月不知天氣  
熱長年只覺雨聲來豈特鳳鳥不食實又見龍孫  
漸脫胎計我歲寒為伴侶屋頭更看幾株梅

答客問

人間塵土苦囂煩林下風生六月寒夜半酒醒方脫  
屐日高眠起不簪冠咲看游蟻巡危磴靜聽閑花落  
古壇老我自無軒冕意尋常豈是傲時官

過殯陵

泥馬南飛王氣消大梁昌運委蓬蒿兩宮旒冕沉沙  
漠三國旌旗接羽毛衛下將軍尚頗牧關中丞相失  
蕭曹東南多有青松樹爭奈春風種不牢

次答王敬助

束書歸任水南村且把犁鉏教子孫壘石旋成蒸藥



竈插籬將就種瓜園談揮玉麈風生座醉倒壚頭月  
滿軒富貴功名只如此何須多夢過侯門

聽雪軒

飛來便與雨聲別坐久甚憂天下寒清極自然梅有  
韻夜闌却喜竹平安洛陽處士門深閉剡曲先生琴  
不彈想在此時情思好煮茶可咲老陶酸

次韻全忠齋

十年孤影寄天涯冷咲傍人論左車白雪陽春應有  
價清風明月不須賒交游漸喜詩成壘定省惟憑夢  
到家休道燭光推不出却愁燒殺杏園花

偶成

青山綠水從人愛野鶴孤雲與我同所適不須論醜  
好相逢謾爾說英雄樂游花木蕭雨梓澤亭臺淡淡  
風興廢故無今昔異幾回搔首月明中

二月江亭野色明楊花飛散雪盈盈  
烟半入海氣白風雨忽來溪樹鳴  
離思獸聽孤語燕客情無柰亂  
山青明朝又上長安道却望咸陽舊

帝京

湖上書所見

東南富貴是神仙日日西湖坐畫船  
繡帽擁雲籠翠

羽紫牙宣響出紅蓮香風宛展珠簾動纖手傳呼玉  
鱠鮮最是情消不得醉按花片撒金錢

送頤上人歸日本

上人住近扶桑國我家亦在蓬萊丘洪濤逼屋作山  
立白雲逸床如水流問信不知誰是客多時忘却故  
園秋明朝相別思無限萬里海天飛白鷗

送欽上人

石頭城下五更秋高掛雲帆得順流錢甕緣江即東  
府瑤花隔岸是揚州作家相見本無語在客別離殊  
有愁後夜相思好明月老夫乘興獨登樓

答費太初

知己相逢貧亦好去家未久夢來多讀書萬卷身何  
有美酒數杯顏酡越上山移新得信壬午年六月廿  
七日會稽有北山  
移三江南秋老漫奔波故人割俸情何厚白粲赤松  
從我過

送僧歸中竺

天香閣上風如水千歲岩前雲似苔明月不期穿樹  
出老夫曾共聽猿來相違五載無書寄却憶三生有  
夢回鄉曲故人憑問信孤山梅樹幾番開

過京口

瓜洲正對西津渡金山焦山江水中過客放船忘險  
阻何人擊揖問英雄白雲渺渺生秋樹黃葉蕭蕭落  
晚風鏤甕城頭一登眺天南天北思無窮

次王元之武平寺詩

官居正與僧居近乘興何妨日日来因向林泉得出  
致竟忘塵世有炎埃松雲影影當牖戶花露溥下石  
苔對景令人重懷古海天秋靜鶴飛回

玄真觀

青岡窈窕真觀即是人間小洞天花石掩光龍吐氣芝  
田散彩玉生煙莓苔滿路綴行屐楊柳夾堤維釣

船仙客相逢更蕭洒煮茶燒竹夜談玄

過滄江

空江五更潮水生搖一舸隨潮行蘆花旋風作雪舞  
水氣上天侵月明白髮不禁游子興青山忽動異鄉  
情天涯淪落何多幸賴有故人如弟兄

與王德強

阿伯遷官之五年嚴尊習隱水南庄人生出處故有  
分世道如斯徒自忙咲我漂流雙鬢雪羨君奔走滿  
靴霜功名固是男兒志何日歸來緣野堂

松風閣次韻

金鷄峯下松風閣記得前年五月登得興不辭行曲  
折乘涼直上最高層石林過雨水爭出溪谷轉風雲  
亂騰休問當時有王謝風流何似竹間僧

過徐州洪至豐沛作

落月蒼涼野色迷過洪忽聽五更鷄河流東海奔騰  
去天近中原漸覺低敗壘有基栖碧草古臺無石墮  
青泥漢家住處人能識只在豐南沛水西

新店道中

黃桑葉落鴈聲號野鼠蹲沙北馬驕萬里山河秋渺  
渺一天風雨夜蕭蕭客懷到此何由壯酒興於人

自覺饒早起梳頭對明鏡不愁隻髻雪飄飄

即看白鴈向南飛又見黃花落短籬可道便風容易  
上客程過聞信難期新霜颯颯吹楊柳野老離離和  
竹枝欲費一樽難強進且留清興謾題詩

楚漢兩城

北城有鷄鳴臺高阜者乃鄧公墓也

楚漢英雄今寂寞兩城相倚舊封疆荒臺落日酣紅  
葉古墓秋風老白楊豈是有為增感慨便令無事亦  
淒涼徘徊望盡東南地蘆葦蕭蕭野水黃

次韻

林宗出去滿巾雨蘇老歸來兩屐泥懷古令人特默

默感時於我獨棲棲春風水竹連公館落日烟華繞  
相堤景物紛紜抵須論首陽高義只夷齊

寄張貞居

句曲山人毛髮古蒼精龍佩羽衣輕道高不授中黃  
稔天下皆傳外史名石菌雲融丹氣攤玉壺春艷紫  
霞生棲居又近林和靖約我尋梅取次行

曲江春望圖

簷牙隱隱出層霄飛閣聯楹涌翠濤花夾御城紅霧  
重春移仙仗彩雲高天家日月無私照  
聖主山河不動搖正是太平文物盛玉笙金管進蒲

聖主  
不後全

荀

謝林彥廣惠酒

江南三月春始足抵花杏花參差開溪雲入屋夜生  
雨山瀑近床晴隱雷讀書吊有何益行道濟時無以  
才多謝奎文章老文伯時時携酒草堂來

濟州阻雪九月廿七日客况

九月中原柳未枯北風咲雪忽模糊瑤林玉樹連天  
去綠水青山望欲無多喜夜光生錦帳不傳清響到  
金鋪老夫且作梅花夢分付長年酒謾沽

濟州城南寒雪飛濟州城北凍成圍客情自古不稱

意世事于今轉覺非白馬少年頻喚酒黑紗老婦乞  
無衣逢郵不寄江南信却上高樓望鴈歸

滕州濟州山不多平林大野少人家解貂且問將軍  
酒對雪誰言學士茶真北五更聞玉笛江南十月老  
梅花相逢休說淒涼事湖海諸郎鬢未華

黃河西下水多生滕州徐州田不耕農民盡逐魚鱉  
去高賈只憑舟楫行青山峩峩出魯國白雪滾滾來  
任城浪游欲盡燕雲道尚欠南風幾日程

### 季扎墓

識君曰讀春秋傳今日墳前見斷碑大義可令吳俗

變高風不獨魯人知劍光注影生靈草樹影懸空動  
羽旗休問姑蘇舊風景白煙青雨黍離離

### 臨清阻雪

海氣排空雲塞山北來風雪苦多寒柳條槌雪枝枝  
重衣帶綠愁故故寬容路何時無跋涉世情隨處有  
艱難濮州城外臨清縣今夜留船得夢安

一片雪飛寒較多即看漫地却如何競傳暝體須燕  
玉誰肯停杯慰楚娥直北大風山欲倒江南無凍水  
生羅臨清不是長安道時聽風凌響音玉珂

### 次韻荅崔元初

樓居依約近蓬萊每見天官簇仗來星繞紫微震闕  
近日臨仙掌五雲開旌旗影動黃金表龍馬風生白  
玉臺遙望上林花隱隱乾坤清氣一時回

閑題

樓臺轟轟帶山河金玉重重是

帝家雲合紫駝開虎帳天連青草入龍沙春風小殿  
看飛燕夜雨重城散落花甲乙流蘇仙夢好莫教方  
士問丹砂

題趙松雪關北小景圖

小草叢叢出淺沙坐歌無柰畫圖何長藤掛樹春  
風少老石斂雲秋色多客子淡然忘歲月王孫徒爾  
憶山河荒烟落日居庸道幾見羶車白馬馱

都城暮春

綉房香幄紫駝車隊馬連雲擁醉娥天上柳花隨處  
哀人間春色已無多風流謾聽黃金縷慷慨誰知白  
石歌江北江南嘆愁絕落紅如雨打漁蓑

送僧游五臺

南國看雲故有愁燕山那忍送君游天風五月能生  
雪野氣四時渾似秋適興何須窮險絕忘機不必論  
公侯歸來着我門前過莫把羈情對白漚

莫處士悼詩

樂閑處士老西河花竹亭臺野趣多不為功名移志  
節每因興感費吟哦義風孝行知誰擬山色湖光奈  
尔何轉首棲霞清夢遠令人懷感動悲歌

送王克敏之安豐錄事

丹墀對策三千字金榜題名五色春

聖上喜迎新進士民間應得好官人江花遶屋廳事  
近烟樹連城野趣真所願堂堂盡忠孝母勞衮衮役  
風塵

揚州成元章居竹軒

老夫住近山陰曲萬竹中間一草堂開徑不曾防俗  
客讀書恰是得清涼好風時時動環佩明月翩翩來  
鳳凰正與君家軒子似可能携酒共尚羊

山水圖

雲氣籠陰隔荔蘿吾家曾住石南坡秋風遶屋樹聲  
雜夜雨落山溪水多每有漁樵共談笑且無車馬得  
驚過京師沙土眯人目為爾轉圖情奈何

水竹亭

韓家亭子能瀟洒流水濺濺竹四圍清淨豈惟塵不  
到深幽真與世相違涼飈激韻青雲動白月流光翠



羽飛安得時時携美酒與君談  
笑看雲歸

重午次韻敬常葉公

時在燕山

故園一望海天長  
京國相看嘆老蒼  
太學故知韓子重  
高陽應笑酈生狂  
四更風雨客懷壯  
五月幽燕地氣涼  
况是天家賜衣節  
不妨談笑引壺觴

危太樸

使求史館遺書於河南江南歷四

明會葉君敬常借船過東湖訪古跡其樂好事者畫之太樸命之曰借船圖復自叙以記之葉君敬常作詩太樸和今勒諸石時賢從而題之余亦為之贊

樓觀重重錦綉扶  
東湖風景即蓬壺  
海雲入樹青山小  
野水滔天白鳥孤  
學士借來船似屋  
書生歸去畫成圖  
老夫一見何瀟灑  
涼雨滿堤生綠蒲

金水河春興

神州何處見繁華  
儘好當時富貴家  
慷慨喚來黃字酒  
丁寧將出紫簾車  
春風嫋嫋穿楊柳  
小雨冥冥度杏花  
沉醉歸來不知夜  
又傳清響按琵琶

金水河邊柳色新  
玉山館外少沙塵  
琵琶未必能愁客  
鸚鵡如何錯喚人  
翠袖錦襜馱白馬  
落花飛絮闌朱輪  
人間天上無多路  
只隔紅門別是春

劉商觀奕圖石刻本

碁畔樵人斧柯爛正與劉商舊畫同  
粉墨消磨雕刻在神仙飄忽有無中  
青霞惟見兩童子白髮吾憐四  
老翁休把閑心動機事只宜高卧聽松風

金水河

金水河從金口來龍光清徹淨無埃  
流歸天上不多路肯許人間用一杯  
楊柳春融青霧擁芙蓉秋霽錦  
帆開老夫白髮少年志適興時來看一回

南城懷古

日上高城望大荒西山東海氣茫茫  
契丹踪跡埋荒草女直煙花隔短牆  
禮樂可知新制度山河誰問舊  
封疆書生慷慨何多恨恨殺當年石敬瑭

青山連壁是居庸古北漁陽一線通  
人物盡隨風土變衣冠難說古今同  
淡烟着柳金溝暗小雨飛花玉  
殿空昨夜角聲吹不起老鳥啼過建章宮

讀史

耿耿青燈照青史坐看興廢眼前來  
亡秦未必非胡亥滅趙終然是郭開  
三國英雄猶將相六朝人物只  
嬰孩商之孫子寧無論妲己端端是禍胎

題王有恒山房

人世紅塵漲碧空  
薜牖蘿几自清風  
朝來爽氣歸書  
潤夜靜青雲入夢濃  
壁上枯桐忘歲月  
床頭老劍識  
英雄丈夫要看好山色  
不是關中即洛中

送日侍者游兩府兼東丁仲容先生

知君汗漫饒清興  
東府西州路不多  
牛斗心臨吳分野  
城池還帶舊山河  
春風揚子江頭去  
夜月茅仙宅畔過  
若見金陵丁處士  
問言歸興近如何

隱居偶成

幾日不見青山面  
今日青山樹色多  
風花落水似濯  
錦野鳥隔簾如唱歌  
年老無成真可嘆  
世情不合柰

之何柴門本自無車馬  
昏曉時聞響玉珂

次申屠子迪韻

紅塵車馬事紛紛  
高眼何曾有見聞  
竹屋夜深時聽  
雨石床秋冷不生雲  
歸來每愛陶彭澤  
漂泊誰憐鄭  
廣文門徑年年芳草綠  
擬將茲意問東君

即事

五色雲開見太平  
九天風露一時清  
燕雀飛飛自得  
樂草木欣欣俱向榮  
渭川何時起尚父  
宣室安能召  
賈生田間野老罷  
癢甚忍死願觀風化成

有感

昨夜秋風吹草堂客中氣象太淒涼  
饑來一字不可煮虛過半生徒爾在親老每慚踈  
蒜水兒癡安恐誑灰囊孤桐破碎崩  
纒脫坐對夕陽歌慨慷

偶成七首

人言粟里是吾家問信東臯事已訛  
殘歲多聞呼盜賊良宵誰復望星河  
門迎野水垂楊柳屋枕雲山帶荔蘿  
沽酒陶情作閑夢豈知冰凍合呼沱

萬里長山走薊門嶄然天險路中分  
高風吹雨作飛雪老樹積燼成凍雲  
武帳駐兵談亞父羶城無語及昭君  
夜深誰渡桑乾水嗚咽笳聲不忍聞

山郭方迎五日春飛飛風雪欲愁人  
老年作客殊無策適興吟詩似有神  
溪上梅花誰可與天涯鷗鳥謾相親  
酒闌細看柴桑論始覺桃源不避秦

雪消巫峽蜀波來天近崆峒北斗回  
人事故於今日別梅花却勝去年開  
好遊不負青春約得意那愁白髮催  
行旅居家無異致開懷且覆掌中杯

去年人日雨瀟瀟今日天晴雪尚消  
杖屨誰來看花柳江湖何處得漁樵  
徒叨食飲居安土未有功勞補聖朝  
入夜遙遙瞻北斗紫雲團蓋上青霄

正漏無聲落草廬荒村遙夜石燈孤  
開門探雪三尺

許舉眼看山一寸無誰閔將軍窮窟穴空多公子  
夢甞能老吾不作功名想只欲扁舟泛五湖  
出門無侶杖藜輕溪上梅花相咲迎獨鶴遠從天際  
下老夫如在畫中行千峯日出流雲氣萬壑松鳴雜  
水聲中秋不知蒼翠重看山直過越王城

送五臺長老

我有慈親年老已便欲送君難遠行道邊持草或解  
意天外見雲無限情九堰潮年船過穩五臺海近月  
多明故人若見煩相問頭髮于今白幾莖

寄題梅

山中昨夜雪三尺胸前梅花參差開卧看枝上月  
初滿夢到江南春已回可咲阿嬌仔金屋却憐姑射  
下瑤臺故人知我有清興携取雙魚斗酒來

寄陸高士

山陰道士久不見無奈秋天風雨何疇昔燒丹曾化  
鶴近來書字不因鴉黃花開到東籬下白日何妨拄  
杖過更約登高成浩飲得詩還勝去年多

清明後日

旅遊忽過清明節百感中來與願違楊柳亭臺春  
寂寂杏花村落雨霏霏青山對面人何在白髮倚

門身未歸薄暮登高重惆悵豈因蕭颯故山薇

三茅觀

層巒開迳隱空青勃窣槃跚眼力生蘿磴癡嵐留宿  
雨石林寒竹動秋聲城隍下瞰紅塵海樓閣高懸白  
玉京夜靜何人吹鳳管碧桃千樹月華明

悼白雲

濁世儒名多浪得先生高隱冠當今註書發程朱蘊  
講道重明孔孟心白日山林增氣象清風江海振希  
音少微一隕天為黑望入東南淚滿襟

送人北上

早買北關門外船載書應上九重天風雲步武君可  
羨世事乖違吾獨憐黃閣大官歸厚祿紅樓美酒不  
多錢逢人可話江南景春水流花滿石田

湖上閑步

斷雲零亂雨初晴古客遊行眼倍明可喜一湖楊柳  
色不禁三月杜鵑聲青山歷歷添新寺白塔亭亭枕  
舊京回首東南重淒感豈因興廢獨關情

喜白髮

眉間黃色未為奇好是梳頭滿面絲從古其誰能脫  
畧于今得此可愉怡絕憐雪色照明鏡更喜霜花襯

接羅萬事為他最公道  
老來鑷台是兒癡

秋夜偶成

風雷不改舊山河  
華屋年深蔓綠蘿  
龍柱雲消金氣冷  
鳳臺人去月明多  
英雄空聽生銅吼  
感慨誰知白石歌  
轉首五湖秋水濶  
且將閑興寄漁蓑

露華泥泥濕桐絲  
漸覺新涼襲弊幃  
肯羨輕生歸革獨  
憐清苦卧牛衣  
種桃未必全忘世  
采藥終然會息機  
欲問夷齊何處死  
西風吹殺首陽薇

生憎塵俗苦相侵  
漸漸移家入遠林  
但得甕中多白酒  
何須囊裏有黃金  
閨山夜靜砧聲慘  
淮海秋高鴈影沉  
宦事懷人作癡坐  
短檠花冷石房深

孤雲杳杳雁聲寒  
黃葉蕭蕭詩思慳  
坐對清尊懷北海  
嘯歌白石向南山  
菊荒夜雨家何處  
萸老秋風客未還  
梁甫不吟君莫問  
卧龍窈窕草廬閑

冉冉新霜上鬢毛  
相逢何事論英豪  
山城雨重鐘聲短  
海國風清劍氣高  
且自草衣同牧豎  
不須驄馬列官曹  
古來勲業真堪嘆  
三士殺身爭二桃

瀟瀟寒雨滿江樓  
宦事無端生百憂  
錢硯磨穿燈火夜  
貂裘弊盡風霜秋  
五更空自聽鷄舞  
四海有誰持犒鈎  
可羨當時張許輩  
蒲萄宮裏爛羊頭

九里山中

荒苔叢篠路縈迴  
繞澗新栽百樹梅  
花落不隨流水去  
鶴飛長帶白雲來  
買山自得居山趣  
處世渾無濟世材  
昨夜月明天似水  
嘯歌行上讀書臺

九里先生兩鬢皤  
今年貧勝去年多  
弊衣無絮愁風勁  
破屋牽蘿奈雨何  
數畝豈苗當夏死  
一畦蘆穉入秋瘥  
相知相見無他論  
喚看山前白鳥過

九里溪頭曉雨晴  
松風瑟瑟水泠泠  
絕無過客問竒字  
只有閑雲到野亭  
每咲盛名傳坎壈  
豈陳虛語說零丁  
老年恰喜精神爽  
合得仙人相鶴經

山水圖

一望東南竟海涯  
仙人何處飯胡麻  
樹陰霏霏欲生雨  
山色重重似削瓜  
玄圃紫苔封藥草  
白雲流水隔桃花  
天台司馬君休問  
絕勝終南處士家

感懷

風花片片減芳春  
轉首關河氣象新  
有志誰能回避老  
無憂何必去除貧  
開樓且喜青山近  
釣水多從白鳥親  
聞說長安金紫貴  
不奔風雨即紅塵

寄玉秋泉

尺書不寄海天遙  
兩見春風換柳條  
臺閣競瞻



官濟濟山林誰問鬢蕭蕭月明故國人情別花落  
江城客思饒記得舊時携手處酒酣曾過飲虹橋

題米元暉畫

我生正坐山水癖展卷見山如蜜甜古樹含烟黑箇  
箇遠山落日見尖尖險絕豈惟游子慮清幽足慰老  
夫潛行路望雲情更切不因小米故多添

山水圖

我生愛看真山水眼<sub>底</sub>崿嵌每自諳絕壑卧雲留  
宿雨高林浮翠出晴嵐青山近屋多於簇白石攢沙  
小似蚶展卷令人倍惆悵杏花春雨隔江南

過揚州

東南重鎮是揚州分野星辰近斗牛人物漸分南北  
異江淮不改古今流瓠花香委神仙佩楊柳風開帝  
子舟十里朱簾晴不下銀鬕翠管滿紅樓

送薛府判之廣東

醜酒臨江亦壯哉別離無奈故徘徊喜聆烏府文章  
盛又見堯天日月開萬里郵傳譽遠百蠻歌動好  
官來吟邊休說梅花老不是山中宰相才

悼王濟川處士

上卿方駕紫雲車便寄江南處士書白髮忽辭

明鏡去青山相對好樓居床頭筇竹生鱗甲胸下殘  
編撲蠹魚莫向九原嗟寂寞諸郎才俊馬相如

秋夜燕山旅舍偶成寄林致和

花漏無聲海月陰小胸燈火夜沉沉出師表動英雄  
志征伐書移慷慨心邊塞雪深迷小草關河秋老  
見喬林不須更論江南事擊劍長歌且謾斟

寄友

胸外踈篁脫故枝屋頭松樹已添圍水流荒澗  
花無影雲落空山雨似飛別去幾時多有夢歸來  
一咲竟忘機懷君欲寄江南信沙漠風高雁影移

偶成

桑田滄海事沉沉慷慨誰能論古今刖足卞和因獻  
玉然臍董卓豈無金雖求知已終難合差立功名錯  
用心老子胸中頗明白只憐華髮不勝簪

已丑二月三日大風雨雪

狂風推雲若山倒積雪滿路行人稀大家得意頻喚  
酒老子畏寒愁解衣梅花出竹似索咲沙鷗見我能  
忘機却思前載燕山北騎馬踏冰看打圍

今年二月氣候別十日大雪寒於冬民人正坐凍餒  
若燕雀如何意味濃風俗可知南北異山河空鎖

百千重草堂欲作梅花夢忽憶南陽有卧龍

三月廿九日夜歐陽省郎迤至佳章觀之技癢  
燈下即和但無童子急走送耳

今時自與古時別酒興何如詩興賒風引白雲歸  
坐榻雨蒸花氣入牖紗謾言海上神仙宅不抵江南  
處士家有客相過勿多論老夫迂闊是生涯

四月十二日書懷

去年直北走風沙今日江南事事訛轉首不知春  
已去閉門只覺樹陰多青天有月徒惆悵空谷無  
人絕咲歌極目中原天萬里野煙荒草幾銅駝

春日即事

二月三日雨不歇桃花杏花吹作泥積壘可憐飛燕  
苦傷春無奈杜鵑啼闕河氣轉風雲合邊塞烽多  
草樹迷老我踈狂思舞劍興來不待五更鷄

別濟大川

吳松江上聽春雨共說鄉關動寂寥滿地落花增  
感慨故家喬木已蕭條十年渾疑夢一別離情轉覺  
饒後夜錢塘望明月鬢華無奈雪飄飄

感懷

客邸可言行路難故園無便寄平安夢回孤館燈火

寒吟到五更風雨寒南國漸知新禮樂中原誰問  
古衣冠田文一去豪華盡長鉞歸來何所彈

招隱卷

寄尔大冲招隱篇歸來不用買山錢青雲遶屋樹  
如蓋紅霧隔堤花滿川既有向時潛子興不妨今  
日米家船老夫湖海亦覺倦也欲枕書林下眠

寄李子粲

白頭自咲潛夫掘却憶風流李謫仙對客每言齊  
物論移家只有廣文羶赤鷄白狗看見戲綠水青  
山作畫傳慷慨不愁春色老咲看花雨落平田

有題

細草流光連綉衢龍旗千乘擁金輿指揮謾說丁  
都護獻賦可憐楊大夫花壓翠樓秋雨重雪圍羶  
屋夜燈孤行人只說山川好不信沙塵上鬢髮須

送圭玉岡

一真四法全吾道教主雲間喜作家白氣擁林龍  
繞樹紫霞紛日鳳啣花咲談不釋鍊如意斬斫豈  
由金莫耶可是阿師門戶別相逢不喫趙州茶

送楊義甫訪雲林子

公子翩翩孰與儔雲林清氣逼高秋牙籤耀日書充

屋彩筆凌烟畫滿樓既是有樽開北海豈云無榻下  
南州相逢一咲如知己不必人間萬戶侯

醉賢圖

浩飲浪吟何慷慨衣冠尚在晉風流七賢林下固不  
異六逸溪頭良可謀既是甘為避世士不妨且作醉  
鄉侯幕天席地無留滯咲殺三閭空白頭

送僧歸錢塘

故國荒涼草樹迷春風猶記舊沙堤山連天目孤雲  
下潮上江頭海日低送客過溪驚帟嘯驅龍出洞  
聽猿啼何時與我同清賞淨取山泉煮木鷄

梅竹軒為楊君道賦

湖上軒胸面面幽山居正是御書樓一枝晴雪連雲  
白三徑清風似水流且喜往來無俗客只茲瀟灑勝  
封侯題詩已有林和靖乘興豈無王子猷

舜江樓

舜江樓上一徘徊四面雲山錦障開於古豈徒賢二  
相只今自可致三台月明鼓角空中起風靜波濤地  
底回別駕清名動鄉國金鞍五馬望重來

曲江春望圖

高堂忽見芙蓉苑恰似兩京全盛時翠幕高張公

子燕錦衣齊集內官儀樓臺影出青天近絃管聲回  
白日遲花萼相輝銀榜連水光山色綠差差

申屠子迪游蘭亭次韻荅之

茂林脩竹蒼烟外斷碣荒亭古道傍俯仰乾坤慨今  
昔咲談風月引壺觴幽蘭垂佩莖莖紫佳菊團金朶  
朶黃誰信無錢陶處士脫巾瀟洒卧潯陽

送沙學正歸松江

范蠡岩前雲似錦吳松江上水如天送君去去青霄  
近老我蕭蕭白髮懸楊柳風清千里夢梅花雪落五  
更船對人休說儒官冷

聖主于今正待賢

偶書

聖主臨朝問好官豈無公論在長安野人不入麒麟  
畫御史都簪獬豸冠直北五更霜氣重江南三月雨  
聲寒綉衣驄馬金陵道誰把梅花仔細看

雜興

蕭 二 白髮滿烏巾不會趨時任客嗔種菜每令除宿  
草煮茶常自拾枯薪屋頭流水濺 二 響溪上溪花樹  
春寄語儒林趙伯好收風月作比隣

送汪掾史

莫恠遲二把酒杯留君故尔強徘徊市橋楊柳不堪  
折江路梅花無數開從此許程趨畫省更期拾級上  
烏臺抵用懷思重回首五雲多處是蓬萊

挽吳孟思 號雲濤善書

雲濤處士老儒林書法精明古學深百粵三吳稱獨  
步八分一字直千金桃花關外看紅雨楊柳堂前坐  
綠陰今日宵然忘此景斷碑殘碣盡傷心

